

BOŠNJAČKO NACIONALNO VIJEĆE

Konferencija za medije

Tema: Rješavanje statusa Sandžaka u procesu EU integracija

Govori: Dr. Sulejman Ugljanin, predsjednik Vijeća

Glavni ured Vijeća, Novi Pazar, 03.11.2017. godine

Izjava dr. Sulejmana Ugljanina, predsjednika Bošnjačkog nacionalnog vijeća

Povod današnje konferencije je godišnjica održanog Referenduma građana Sandžaka kada su se izjasnili za potpunu političku i teritorijalnu autonomiju Sandžaka sa pravom priključenja jednoj od suverenih republika.

Referendum je bio u skladu sa Ustavom SFRJ, sa Ustavom Srbije i sa Ustavom Crne Gore. Potpuno legalan i legitiman. Održani referendum je bio odgovor građana Sandžaka na raspad Jugoslavije, koji mi kao građani nismo mogli da spriječimo, a državni organi Srbije i Crne Gore su išli sve dublje u rušenju tadašnje zajedničke nam države.

Ovih dana u gradovima Sandžaka, u inostranstvu, gdje žive Bošnjaci, i svi drugi građani Sandžaka, koji su protjerani sa svojih ognjišta, prigodnim svečanostima obilježavaju Dane samoopredjeljenja. Dane 25. 26. i 27. oktobara 1991. godine kada je održan referendum za autonomiju Sandžaka.

Referendum kada se, 98,85% odnosno, 183.302 građana Sandžaka izjasnilo za potpunu političku i teritorijalnu autonomiju Sandžaka, sa pravom priključenja jednoj od suverenih republika.

U skladu sa tim, pozivam srpsku vladu, Evropsku Uniju, Sjedinjene Američke Države i ostale zemlje koje su učestvovala na Mirovnoj konferenciji o raspadu bivše Jugoslavije, i na Međunarodnoj konferenciji u Londonu i Ženevi, da ove činjenice ozbiljno uzmu u obzir, da ozbiljno uvažavaju ovu činjenicu. Da pristupe reviziji Akcionog plana za poglavlje 23. i 24. i Akcionog plana za manjine i da ove činjenice ugrade u taj Akcioni plan.

- Da akcionim planom jasno utvrde datum raspisivanja izbora za organe Sandžaka;
- Da odrede datum za uspostavljanje evropskih snaga bezbjednosti u Sandžaku i uspostavljanje evropskih pravosudnih organa u Sandžaku;
- Da odrede datum za povlačenje srpske policije, srpske vojske, srpskih tajnih službi sa teritorije Sandžaka;
- Da odrede datum povlačenja srpskih pravosudnih organa iz Sandžaka.

Sve ovo u skladu sa odlukama sa Mirovne konferencije o bivšoj Jugoslaviji u Hagu, održane u vrijeme kada je referendum građana Sandžaka i sproveden.

Ovo govorim iz jednog razloga, da Bošnjaci u ovoj državi koja se zove srpska država, u kojoj je srpska vojska, srpska policija, predstavljaju „strano“ tijelo.

Godinama se mi Bošnjaci borimo da uspostavimo demokratsku i pravnu državu Srbiju, zasnovanu na vladavini prava, pravnoj sigurnosti, u kojoj se svi građani osjećaju sigurno i „svoj na svome“. Međutim, kao što znate, a i vidite, već punih 27 godina srpski državni organi na teritoriji Srbije ponašaju se u skladu sa znanjem, sa strukom i sa obrazovanjem. Na teritoriji Sandžaka, i srpska policija i srpska vojska i srpske tajne službe i zaposleni činovnici u srpskim državnim službama ponašaju se monstrumski, drsko i neprijateljski prema Bošnjacima i civilnom stanovništvu uopšte.

Kao potvrdu za to imamo činjenicu, da su srpske snage izvršile nekoliko masivnih zločina u Sandžaku i to: otmica i pogubljenje Bošnjaka u Sjeverinu, u Štrpcima, progonstvo Bošnjaka iz Kukurovića, kada je Užički korpus granatirao selo Kukuroviće i mnoga pojedinačna ubistva i zločini, ubistvo Rama Berba, Salahudina Čuševića do ovog zadnjeg ubistva mladića, Fahrudina Skarepa, koji je ubijen 30. septembra 2017. godine, u večernjim satima, u opštini Tutin.

U takvoj srpskoj državi mi Bošnjaci ne vidimo svoju budućnost.

I ponavljam, u međuvremenu, radi buduće saradnje Srbije sa svim građanima Sandžaka, predlažem, kao predsjednik Bošnjačkog nacionalnog vijeća,

- Da se u roku od tri mjeseca usaglasi nacionalna struktura Bošnjaka, Albanaca, Crnogoraca, Srba, u svim državnim organima sa javnim ovlašćenjima u Sandžaku, policiji, tužilaštvu, sudstvu, vojsci, graničnim službama, tajnim službama bezbjednosti;
- Da se rasvijetle svi zločini, počinjeni nad Bošnjacima, i drugim nesrpskim stanovništvom u Sandžaku;

Sve su to zločini po kojima smo mi, kao Bošnjačko nacionalno vijeće, u skladu sa zakonom, stav 10 član 14. Zakon o nacionalnim savjetima nacionalnih manjina, zauzeli stavove, pokretali mnogo puta inicijative i preduzeli mjere.

Još jednom ponavljam, pozivam EU, Sjedinjene američke države i ostale zemlje učesnice Mirovne i Međunarodne konferencije o bivšoj Jugoslaviji da pristupe ovome ozbiljno.

O svemu ovome što govorim dao sam do znanja, zvanično, premijerki Vlade Srbije i nadležnom ministru koji se bavi manjinskim pitanjima i očekujem da ozbiljno počnemo rešavati sandžačko pitanje.
